

Жалпы орта және қосымша білім беру ұйым ұйымдарының білім алушылары арасында «Жетістікке жеткен адамның тарихы» тақырыбында сырттай республикалық байқау өткізу ережелері

1. Жалпы ережелер

1. Осы ережелер жалпы орта және қосымша білім беру ұйымдарындағы білім алушылардың арасында «Жетістікке жеткен адамның тарихы» тақырыбында сырттай өтетін республикалық байқаудың (бұдан әрі - Байқау) мақсатын, міндеттерін және өткізу тәртібін анықтайды.

2. Мақсаты: білім алушылардың өзін-өзі анықтауына, шығармашылығына жағдай жасау, олардың қабілеттерін іске асыру, қоғамдағы өмірге бейімделеуін қамтамасыз ету, азаматтық сана сезімдерін қалыптастыру.

Міндеттері:

- балалар мен жасөспірімдердің шығармашылық қабілеттерін дамыту, жеке басының және зияттық әлеуетін ашу;

- жетістікке жеткен адамның тарихына білім алушылардың қызығушылықтарын дамыту;

- балалар мен жасөспірімдердің мазмұнды бос уақытын ұйымдастыру.

3. Байқауды Қазақстан Республикасы Білім және ғылым министрлігінің «Республикалық қосымша білім беру оқу-әдістемелік орталығы» РМҚК өткізеді.

4. Байқауды ұйымдастырушылар ұйымдастыру комитеті мен әділ қазылар алқасының құрамын қалыптастырады.

2. Байқауды өткізу мерзімі және тәртібі

5. Байқау 2015 жылғы 17 ақпан мен 31 наурыз аралығында балаларға арналған www.ziyatker.org ғылыми-танымдық сайтта сырттай өткізіледі.

6. Байқауға ұсынылған материалдар байқаудың тақырыбына мақсаты мен міндеттеріне сәйкес болуы керек.

7. Байқау жұмыстары ережеге сәйкес 2015 жылғы 31 наурызға дейін info.do@list.ru электрондық поштаға, сондай-ақ мына мекен-жай бойынша қабылданады: 010000, Астана қаласы, Кенесары 40, 15 этаж, «Республикалық қосымша білім беру оқу-әдістемелік орталығы» РМҚК.

Анықтама телефондары: 8(7172) 249-305, 8(702) 356 51 88.

8. 2015 жылғы 31 наурыздан кейін түскен, сондай-ақ талаптарға сәйкес келмейтін байқау материалдары қарастырылмайды.

9. Байқау материалдарының мазмұнына ұйымдастыру комитеті жауапты емес.

10. Байқаудың ұйымдастырушылары автордың - қатысушының атын көрсете отырып, жұмысты баспасөзде, ғаламтор баспаларында жариялауға құқылы.

11. Байқауға қатысу үшін - 1 000 (бір мың) теңге төлемақы төленеді.

Төлемақы барлық банк немесе Қазпошта бөлімшелерінде келесі реквизиттер арқылы жүргізіледі:

Астана қаласы, БанкЦентрКредит АҚ.

Иик KZ918560000005068448

БИК КСЖВКЗКХ

БИН 990140004733

Кбе 16.

КНП 859.

Алушы: Қазақстан Республикасы Білім және ғылым министрлігінің «Республикалық қосымша білім беру оқу-әдістемелік орталығы» РМҚК.

Төлемақы мақсаты: «Жетістікке жеткен адамның тарихы» байқауы. Байқауға қатысушының (жіберуші) фамилиясын міндетті түрде көрсету және төлемақы құжатын (түбіртек немесе төлем құжаты) сканерден өткізіп, info.do@list.ru электрондық пошта арқылы жіберу қажет.

12. Байқаудың қорытындысын шығару және жеңімпаздарын анықтау 2015 жылғы 10 сәуірде жүргізіледі.

3. Байқауға қатысушылар және қойылатын талаптар

13. Байқауға 8-17 жастағы білім алушылар жас санаттары бойынша қатыса алады:

кіші жастағы санат: 8-10 жас;

орта жастағы санат: 11-14 жас;

жоғарғы жастағы санат: 15-17 жас.

14. Байқау келесі номинациялар бойынша өткізіледі:

- *әңгіме*;

- *бейнеролик*.

15. Байқаудың мақсаты мен міндеттеріне сай келетін бір немесе екі номинациядағы жұмыстар қабылданады, бірақ қатысушыдан әр номинацияда бір жұмыстан артық болмауы тиіс.

16. Байқау жұмыстары келесі талаптарға сәйкес қабылданады:

әңгіме номинациясына автор жетістікке жеткен адамның тарихы туралы жазу керек. Ол адам өз білімімен, талантымен, қабілетімен, мінез-құлқымен жетістікке жеткен сіз білетін көршіңіз, танысыңыз, сіздің қалаңыздың немесе ауылыңыздың тұрғыны, ата-анаңыз және т.б. болуы әбден мүмкін. Байқаудың тақырыбына сәйкес айқын, жүйелі сюжеті бар, оқырманға, тыңдаушыға жағымды әсер ететін, сауатты, қызықтыратын, тартымды, сапалы болуы керек. Әңгіменің көлемі 1-2 бет (А4 форматта, Times New Roman шрифтпен, 14 мөлшермен, интервалы – 1). Титул парағында: жұмыстың аталуы, автордың аты-жөні, жасы, жетекшінің толық ТАӘ, білім беру ұйымы, e-mail, облыс, аудан (қала), ауыл көрсетілуі тиіс;

бейнеролик номинациясына

- MPEG-4, AVI форматында (640x480) бейнеролик ұсынылады;

- қатысушылар өздері бейнероликтің жанрын (сұхбат, репортаж, бейнеклип және т.б.) белгілейді;

- бейнероликті әзірлеуде қолданылған барлық материалдардың (бейне, видеофрагменттер, дыбысты фрагменттер) сапасы жақсы болуы қажет;

- ұсынылған бейнероликте айғақтылық және мазмұнды ашу тереңділігі көрсетілуі қажет;

- бейнероликтің барынша ұзақтығы 3 минуттан аспау керек;

- бейнероликке міндетті түрде жұмысының атауы, Т.А.Ә, жасы, білім беру ұйымы, аудан (қала/ауыл), облысы, e-mail бар файлды тіркеу қажет.

17. **«Жетістікке жеткен адамның тарихы»** байқауының қорытындысы бойынша жеңімпаздар мен қатысушылардың үздік жұмыстары www.ziyatker.org сайтында жарияланады.

18. Жалпы талаптар:

балаларға арналған ғылыми-танымдық сайттағы «Акварель» клубының қауымдастығына («**ВКонтакте**» әлеуметтік желі арқылы) тіркелу қажет; басқа адамның және Интернет желісінен алынған материалдарды қолдануға қатаң тыйым салынады.

19. *Бағалау критерийлері:*

- байқаудың тақырыбы, мақсаты мен міндеттеріне жұмыстың сәйкес келуі тиіс;

- көркемдік жағынан тақырыпты ашып көрсету;

- авторлық позициясының нақтылығы;

- мазмұндау және жұмысты ресімдеу сапасы.

4. Байқаудың қорытындысын шығару және жеңімпаздарын марапаттау

20. Байқаудың қорытындысы бойынша қазылар алқасы жеңімпаздарды анықтайды.

21. Әрбір номинацияда жас санаттары бойынша жеңімпаздар анықталады.

Байқаудың жеңімпаздары тиісті дәрежелі дипломдармен және олардың жетекшілері алғыс хаттармен марапатталады. Байқау жеңімпаздарына дипломдардың, жетекшілеріне алғыс хаттардың және қатысушыларға сертификаттардың электрондық нұсқасы электрондық пошта арқылы жіберіледі